



## **Universitätsbibliothek Paderborn**

**Sancta Communitas, In Paupertate religiosa inviolata**

**Wissingh, Anton**

**Coloniae Agrippinae, 1699**

Cap. VII. De variis decretis & declarationibus S. Congregationis  
Cardinalium circa vitæ communis observantiam.

[urn:nbn:de:hbz:466:1-49611](#)

## CAPUT VII.

*De variis Decretis & Declarationibus S. Congregationis Cardinalium circa vitæ communis observantiam.*

**Q. 1.** quæ sint speciales Declarationes, seu Decreta S. Congregationis Cardinal. circa vitæ communitatem servandam **R. 1.** Unum adducit *H. Casal. ex Quaranta*, alii alia ex aliis Authoribus; De quibus hic fileo.

**R. 2.** Decretum S. Congregationis Apostolicæ visitationis, quod specialiter de mandato S. D. Urbani VIII. examinatum per plures Sessiones, & tandem die veneris 13. Julii 1627. cum omnibus in eo contentis probatum, nostrisque constitutis insertum fuit, continet omnia ad amissum, requisita ad vitam sic communem, perfectionem, & sanctitatem. Cujus proinde Decreti sanctissimi pura, & omnimoda observantia ab omnibus constitutiones nostræ exigunt, & exspectant. vide ibi.

**R. 3.** Aliud Decretum S. Congreg. super statu Regularium, de mandato S. D. Innocentii X. emanavit 1654. 5. Novembris, Romæ, specialiter pro Regularibus intra fines Italæ, ( quod obligat, ubi est receptum, & non revocatum. ) In quâ inter alia habentur hæc verba: *In Conventibus tam pro primo, quam pro secundo Novitiatus assignatis non collocentur nisi Religiosi graves, devoti, exemplares, & regularis observantie, ac puritatis Regula studiosi. Præcipue vero caveatur, ne ibi ponatur aliquis qui non consentiat servare vitam communem, quam in prædictis Conventibus ad Regule prescripum exactè observetur: indeque amo-*

*movean-*

peantur, qui tam sanctæ ordinationi contradicere,  
aut quoquo modo se opponere ausi fuerint. h. i.

R. 4. 1695. 18 Julij emanavit aliud decretum  
a Congregatio super disciplina Regulari specialiter de-  
putata, authoritate & iussu S. D. N. Innocentii Papæ  
XII. nunc felicissimi gubernacula Ecclesiæ tenen-  
tis, cum Regularium Ordinum maximo proiectu.  
In quo ( intra fines Italiam &c. ) inhibetur quoque  
ulterior receptio Novitiorum, nisi sub conditio-  
ne *vitæ exactè communis servandæ*. In eodem De-  
creto etiam plura præscribuntur Superioribus,  
pro vitæ communis faciliore introductione , &  
stabiliore conservatione. &c.

R. 5. Item ab eodem SS. D. N. Innocentio XII.  
hoc an. 1698. 4. Augusti confirmata, seu noviter e-  
recta fuit Congregatio super disciplina Regulari;  
cui authoritas data *potissimum exactæ vitæ com-  
munis observatiam promovendi & inhibendi, ne  
Conventus--qvois modo institui contingat, nisi  
in quibus ea iem vita communis perpetuò & exactè  
servari valeat.*

Q. 2. Unde veniat, quod hodiecum invenian-  
tur Religiosi, qui cordi non sumant Decreta S.  
Concil. Trid. Summorum Pont. & S. Congregat.  
proinde vitam communem parū aut nil curent.

R. id 1. in aliquibus fortè provenire, quia cha-  
ritate frigidi, & oculō sani judicii per amorem in-  
ordinatum pecuniarum excæcati, non curant, sed  
suspendunt, retracti antiqua vivendi methodo, ac  
radicato habitu ; proinde non minus timent ac  
dolent de peculii seu depositi amissione ,  
ac de viventis digitis à manu abscissione.  
2. quia cordi non sumunt hanc obligatio-

nem, exemplō aliorum tam intra quam extra Religionem suam abducti & abstracti. 3. alii totum onus in humeros Superiorū conjiciunt; qui si inciperent efficaciter verbo pariter & exemplo se & alios reformare, ipsis quoque obsequerentur & patērent, quamvis alioquin debilis ex se sint promptitudinis. 4. Multi simplices nullam circa hoc obligationem agnoscunt ( quamvis subinde quæstiones de hoc atdiant moveri à Regularibus, quas tamen ipsi ad scholas remittunt ) sed consuetū hucusq; in Ordine relaxatū vivendi modū quasi pro Regula tenentes, ad ulteriora se non reflectunt. 5. Insuper in aliquibus ( qui tamē inexcusabiles sunt, si tamen tales ullibi sint ) videtur est, quod in apostatis à fide vera presbyteris; qui quāvis agnoscant se lumen veræ fidei deseruisse; attamē, quia pronūc putant sibi bene esse cum liberis suis, & xorib⁹ putatitiis sibi sacrilego fœdere junctis, quasi excordes, curatq; omnis circa futura Dei iudicia expertes, brutaliter & damnabiliter vivere pergunt, computr̄escunt, obdurescunt. NB. Quidquid sit de his omnibus; unusquisq; quidē onus suū portabit: at, dum exiguo conceditur misericordia pro sua ignorantia, aut incuria, Prælati horrendū subibunt iudicium ratione suæ incuriæ, omissionis, ac negligētiæ, si desperatè vixerūt, si oves reducere non curaverunt; quarū proinde sanguis de manibus eorū requiretur tunc, cùm Ordinum sancti Fundatores stabunt contra eos accusatores ante tremendum tribunal D.N. Iesu Christi.

6. Tandē aliqui nimia pusillanimitate, & exigua de divino adjutorio confidentia absterriti, impossibile arbitrantur abrogatu, quod radicatum vident

vident tam firmo habitu ; virium suarum sali tenuitati insistentes , & juxta illam pondus operis hujus metientes.

Hi omnes dum excusationis velamen praetendunt, æquè verè & facile dicerent, *nolumus*, dum dicunt, *non possumus*: proinde illis adapta evangelicum illud: *nolebant venire*; quia seipso minimum amantes, aut nimis pro deficientia necessariorum in senio metuentes, maximam necessitatem, utilitatem, honestatem, jucunditatem, facilitatemque vitæ communis minimè pensant. De quibus in sequentibus

## CAPUT VIII.

### *De multiplici utilitate vitæ regulariter communis.*

REGULARIS VITÆ COMMUNITATI VERISSIMÈ CONGRUIT dictum Apostoli, 1. Tim. 4.8. *Ad omnia utilis est, promissionem habens vitæ, quæ nunc est, & futuræ.* Nam revera & corporaliter & spiritualiter, temporaliter & æternaliter benedicuntur à Deo singulariter Religiosi, vitæ communitatem ritè & piè observantes ; cuius fructus multiplices qui non gustant, ignorant; & qui ignorant, non curant, sed nauseant, allia Ægypti, cælicæ escæ, quam dedit divina providentia, fatuè præponentes. De felicitate communitatis religiosæ vide infra C. 23. pronunc.

*Q. I.* Quot sint fructus quasi corporales, seu temporales vitæ communis. *R.* Ex Lessio, Lugone, Plato, Rodericio, Julio Nigronio, aliisque & Theologis, & Ascetis, quod inter plures hi non sunt minimi. *I.* Est exoneratio multiplicium curarum,